

Սակաւ գտանէր հացն և միայն ի փուռսն վաղէին
ամբոխն քաղաքիս և լինէր ի վերայ հացին աղմուկ
եւ կոխ՝ ի վերայ միմեանց յարձակեալք եւ հացա-
ծախքն ի բռնաւորաց մարդ եղեալ զի նոքա ծախես-
ցեն անդ նստեալ ի փուռն մինչեւ յերեքշաբաթիս
(7 Ապրիլ)(*) . և պակսեցաւ չափ հացին մինչև ի տրամս
Կ կորեկով: Եւ ոչ թէ միայն հացն այսպէս եղև, այլ
և ի միւս կողմի ծովէս ոչ եկն նաւ և ոչ մի, որպէս
օրէն էր հանապազ գալ ի Մսրայ և յայլ սահմանացն՝
լցեալ զքաղաքս ամենայն բարութեամբ. այլ ոչ եկն
յաշնանէն մինչև ցայժմ, որ բրինձն ԺԸ ըստակ եղև
օխան, և յահէ փռանկին ևս միրգ այլ ոչ եկն յիզմի-
րու, և ի խիստ ձմեռոյս և ոչ խարքն ջարդեալ ոչ ապ-
րեցան ի դուրսն ցրտոյս, քանզի ասացին՝ թէ ի կողմս
Հոռոմաց տան ձժ օր ոչ է հալեալ ձիւնն. և ի քա-
ղաքս եղեւ մի օխա մսին ի Զ ըստակ եւ ձկուռք եւս
ծովէն հատեալ էին և ոչ ելանէր մի ձուկ, այլ միայն
ի յաշնանէն մինչև ցայժմ ա՛յն շատ ելանէր յամե-
նայն աւուրս, որոյ անունն բալամիրգ ասի, և ի մէջ
քաղաքիս կանաչն ևս այրեցաւ ի ցրտոյ յամենայն
պարտէզս և պօստանս: Եւ օրն ևս ոչ բանայր զլոյս
իւր, այլ հանապազ պաղ եւ մութ, որ եւ ծառ մի
եւս ոչ բացին զտերևս կամ զոստս, այլ այժմս սկսաւ
փոքր ինչ նշմարել ուռին զոստս իւր, որ Ապրիլիս
է էր:

Եւ Դշի (8 Ապրիլ) առաւօտս փոքր ինչ հաց ցրուե-
ցին յամենայն սահմանս հացածախքն և կրկին բար-
ձաւ: Բայց Եշիս (9 Ապրիլ) սակաւ մի զիմացաւ շնոր-
հօք ողորմութեամբ ներողին Աստուծոյ Ե Զ նաւ
գալով ցորենոյ և բռնաւորք զհացն ձԼ տրամ արա-
րին:

(*) Լուս. Դշիս Աւետիք Աստուածածնի: